

故宮
珍藁
本刊

八代文鈔百家小集

故宮博物院編

海南出版社

第五册 共八册

故宮珍本叢刊第 614 冊元明詩文總集

故宮博物院編

新鑄八代文鈔百家小集

第五冊（共八冊）

海南出版社

圖書在版編目(CIP)數據

箋註唐賢絕句三體詩法/(宋)周弼選;(元)釋圓至注.-影印本.-海口:
海南出版社,2000.10

(故宮珍本叢刊)

本書與“歷朝應制詩選/(明)吳汶等輯”共9種書合訂

ISBN 7-80645-749-6

I.箋… II.①周…②釋… III.文學-作品綜合集-中國-古代 IV.Z121.7

中國版本圖書館 CIP 數據核字(1999)第 68758 號

故宮珍本叢刊第 614 冊

元明詩文總集

新鐫八代文鈔百家小集

第五冊(共八冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:25 印數:1-400 冊

ISBN 7-80645-749-6/Z·27

定價:1860 元(元明詩文總集 10 種共 12 冊)

本書如有印裝質量方面問題請與我社或承印廠聯係

我社為本書每冊(種)書新編的目錄均置於每冊書末

上時政疏

宋 王安石

臣某昧死再拜上疏尊號皇帝陛下臣竊觀自古人主享國日久無至誠惻怛憂天下之心雖無暴政虐刑加于百姓而天下未嘗不亂自秦已下享國日久而有晉之武帝梁之武帝唐之明皇此三帝者皆聰明智畧有功之主也享國日久內外無患因循苟且無至誠惻怛憂天下之心趨過目前而不為久遠之計自以禍災可以無及其身往往身遇災禍而悔無

上時政疏

所及雖或僅得身免而宗廟固已毀辱而妻子固以困窮天下之民固以膏血塗草野而生者不能自脫于困餓劫束之患矣夫為人子孫使其宗廟毀辱為人父母使其比屋死亡此豈仁孝之主所宜忍乎然而晉梁唐之三帝以晏然致此者自以為其禍災可以不至于此而不自知忽然已至也蓋夫天下至大器也非大明法度不足以維持非眾建賢才不足以保守苟無至誠惻怛憂天下之心則不能詢考賢才講求法度賢才不用法度不修偷假歲月則幸或

可以無他曠日持久則未嘗不終于大亂伏惟皇帝陛下有恭儉之德有聰明睿智之才有仁民愛物之意然享國日久矣此誠當惻怛憂天下而以晉梁唐三帝為戒之時以臣所見方今朝廷之位未可謂能得賢才政事所施未可謂能合法度官亂于上民貧于下風俗日以薄才力日以困窮而陛下高居深拱未嘗有詢考講求之意此臣所以竊為陛下計而不能無慨然者也夫因循苟且逸豫而無為可以俛佞一時而不可以曠日持久晉梁唐三帝者不知慮此

上時政疏

故災稔禍變生于一時則雖欲復詢考講求以自救而已無所及矣以古準今則天下安危治亂尚可以有為有為之時莫急于今日過今日則臣恐亦有無所及之悔矣然則以至誠詢考而眾建賢才以至誠講求而大明法度陛下今日其可以不及汲乎書曰若藥不瞑眩厥疾弗瘳臣願陛下以終身之狼疾為憂而不以一日之瞑眩為苦臣既蒙陛下採擢使備從官朝廷治亂安危臣實預其榮辱此臣所以不敢避進越之罪而忘盡規之義伏惟陛下深思臣言以

自警戒則天下幸甚

上特政疏

八

三

讀孟嘗君傳

宋 王安石

世皆稱孟嘗君能得士士以故歸之而卒賴其力以脫於虎豹之秦嗟乎孟嘗君特鷄鳴狗盜之雄耳豈足以言得士不然擅齊之疆得一士焉宜可以南面而制秦尚取鷄鳴狗盜之力哉夫鷄鳴狗盜之門此士之所以不至也

讀孟嘗君傳

八

一

讀孔子世家

宋 王安石

太史公叙帝王則曰本紀公侯傳國則曰世家公卿特進則曰列傳此其例也其列孔子為世家奚其進退無所據邪孔子旅人也棲棲衰季之世無尺土之柄此列之以傳宜矣曷為世家哉豈以仲尼躬將聖之資其教化之盛為奕萬世故為之世家以抗之又非極摯之論也夫仲尼之才帝王可也何特公侯哉仲尼之道世天下可也何特世其家哉處之世家仲尼之道不從而大置之列傳仲尼之道不從而小而遷也自亂其例所謂多所抵牾者也

書刺客傳後

宋 王安石

曹沫將而亡人之城又劫天下盟主管仲因勿倍以市信一時可也予獨怪智伯國士豫讓豈願不用其策耶讓誠國士也魯不能逆策三晉救智伯之亡一死區區尚足校哉其亦不欺其意者也聶政售於嚴仲子荆軻奉於燕太子丹此兩人者汗隱困約之時自責其身不妄願知亦曰有待焉彼挾道德以待世者何如哉

書刺客傳後

原過

宋 王安石

天有過乎有之陵歷鬪蝕是也地有過乎有之崩弛竭塞是也天地舉有過卒不累覆且載者何善復常也人介乎天地之間則固不能無過卒不害聖且賢者何亦善復常也故太甲思庸孔子曰勿憚改過楊雄貴遷善皆是術也予之朋有過而能悔悔而能改人則曰是向之從事云爾今從事與向之從事弗類非其性也飾表以疑世也夫豈知言哉天播五行於

原過

萬靈人固備而有之有而不思則失思而不行則廢一日咎前之非沛然思而行之是失而復得廢而復舉也顧曰非其性是率天下而戕性也且如人有財見篡於盜已而得之曰非夫人之財向篡於盜矣可歟不可也財之在已固不若性之為已有也財失復得曰非其財且不可性失復得曰非其性可乎

禮論

宋 王安石

嗚呼荀卿之不知禮也其言曰聖人化性而起偽吾是以知其不知禮也知禮者貴乎知禮之意而荀卿盛稱其法度節奏之美至於言化則以為偽也亦烏知禮之意哉故禮始於天而成於人知天而不知人則野知人而不知天則偽聖人惡其野而疾其偽以是禮興焉今荀卿以謂聖人之化性為起偽則是不知天之過也然彼亦有見而云爾凡為禮者必誦其

禮論

放傲之心逆其嗜欲之性莫不欲逸而為尊者勞莫不欲得而為長者讓擊蹠曲拳以見其恭夫民之於此豈皆有樂之之心哉患上之惡已而隨之以刑也故荀卿以為特刼之法度之威而為之於外爾此亦不思之過也夫斷木而為之器服馬而為之駕此非生而能者也故必削之以斧斤直之以繩墨圓之以規而方之以矩束聯膠漆之而後器適於用焉前之以銜勒之制後之以鞭策之威馳驟舒疾無得自放而一聽於人而後馬適於駕焉由是觀之莫不刼之

於外而服之以力者也。然聖人捨木而不為器，捨馬而不為駕者，固亦因其天資之材也。今人生而有嚴父愛母之心，聖人因其性之欲而為之制焉。故其制雖有以強人，而乃以順其性之欲也。聖人苟不為之禮，則天下蓋將有慢其父而疾其母者矣。此亦可謂失其性也。得性者以為偽，則失其性者乃可以為真乎。此荀卿之所以為不思也。夫狙猿之形，非不若人也。欲繩之以尊卑而節之，以揖讓則彼有趨於深山大麓而走耳。雖畏之以威而馴之以化，其可服邪？

禮論

十一

謂天性無是而可以化之，使偽耶則狙猿亦可使為禮矣。故曰禮始於天而成於人，天則無是而人欲為之者，舉天下之物吾蓋未之見也。

伍子胥廟銘

宋 王安石

予觀子胥出歿亡遺窺之中，以客寄之一身，卒以說吳折不測之楚，仇報耻雪名振天下，豈不壯哉。及其危疑之際，能自慷慨不顧萬死，畢諫於所事，此其志與夫自恕以偷一時之利者異也。孔子論古之士大夫，若管夷吾、臧武仲之屬，苟志于善而有補于當世者，咸不廢也。然則子胥之義又曷可少耶。康定二年，予過所謂胥山者，周行廟庭，嘆吳亡于有餘年，事之伍子胥廟銘。

興壞廢革者不可勝數，獨子胥之祠不徙不絕，何其盛也。豈獨神之事吳之所興，蓋亦子胥之節有以動後世而愛尤在於吳也。後九年，樂安蔣公為杭，使其州人力而新之，余與為銘也。烈烈子胥，發節窮遠，遂為冊臣，奮不圖軀，諫合謀行，隆隆之吳，厥廢不遂。邑都俄墟，以智死，昏忠則有餘。胥山之顏，殿屋渠渠，子載之祠，如初。祠之初，孰作新之，民勸而趨，維忠肆懷，維孝肆孚，我銘祠庭，示後不誣。

唐荆川曰：隻眼之論足破千古之疑，而文字清動。

磊落可喜

伍子胥廟銘

新田銘

宋 王安石

唐治四縣田之入於草莽者十九民如寄客雖簡其賦緩其徭而不可以必留尚書比部郎中趙吉尚寬之來問弊于民而知其故乃委推官張居陶以兵士興大渠之廢者一大陂之廢者四諸小渠陂教民身爲者數十一年流民作而相告以歸一年而淮之南湖之北操囊耜以率其妻子者其來如雨三年而唐之土不可賤收昔之菽粟者多化而爲稼環唐皆水

新田銘

矣唐獨得歲焉船清車輓負擔出于四境一日之間不可爲數而唐之私廩固有餘循吏之無稱于世也久矣予聞趙君如此故爲作銘銘曰

離離新田其下流水。孰知其初。灌莽千里。其南背江。其北逾淮。父抱子扶。千百其來。其來僕僕。錢我新屋。趙侯幼之。作者不饑。歲仍大熟。飽及雞鶩。船與車。四鄙出穀。今遊者處。昔止者流。維昔牧我。不如今侯。侯來適野。不有觀者。稅于水濱。問我鰥寡。侯其歸矣。三歲于茲。誰能止侯。我往來之。

陳繼儒曰文從周禮來而銘尤妙絕

新田銘

二

翰林侍讀學士梅公神道碑

宋 王安石

宋翰林侍讀學士正奉大夫行給事中知許州軍州
 事兼管內堤堰橋道勸農事上柱國南昌郡開國公
 食邑二千三百戶食實封六百戶賜紫金魚袋梅公
 之墓在宣州宣城縣長安鄉西山里公有五子鼎臣
 德臣實臣輔臣清臣清臣今獨在為尚書司門郎中
 以公行狀及樂安歐陽公之銘請文以刻墓碑時熙
 寧元年八月四日也銘曰公先梅伯後氏其國彌周
 梅公神道碑

涉秦不見史策有銅有福著漢名籍公福之孫詢字
 昌言三世弗仕陵陽之里公第廷中判官利豐再歲
 而擢以丞將作以宰仁和人譽用多主推御史侍考
 進士一見天子以為知已詔曰試哉遂試中書館之
 集賢賜服緋魚於時繼遷兵我西鄙老弱餽守丁疆
 多死靈州告危帝視不怡公請擇人使潘羅支兵法
 所謂以夷攻夷帝曰誰可無如臣者曰予汝嘉閉階
 柰何公拜且跪颺言而起苟紆西師臣不愛死出書
 授之往訖爾謀至疆勅還會棄靈州帝察公藝可書

帝制相或止之爾佐三司其後羅支果窘西賊論將
 料敵皆如所策或從或違或擠或推牾合阻夷神者
 公尸黜之倅州用獄一肯去枕而蘇列國東屏漕輸
 溯河就付將領三年告功僅得故省又以譴投守彼
 淮州有僚許公相得於此與之欣然樂以忘徒使于
 湖北遷自滾梁又奪一官往禪于襄坐發驛馬給奔
 喪者于鄂于蘇剖將之符握節關中使總其輪煌煌
 金章厥賜特殊謀復靈武度兵葫蘆秦有將瑋諾公
 與俱會璿召還公復淪胥有反咸陽能名氏朱始雖

梅公神道碑八

二

弗察後捕而誅自懷徂池再副戎車真宗新陟罪垢
 皆滌為郎度支以將廣德外更四州楚壽陝荆乃還
 待制中糾獄刑有歸龍圖其唐殖殖就以學士專其
 閭直輟之銓衡乘傳臨弁超遷郎秩進直樞密趣歸
 封駁考國中失申命選事得權進細加職侍讀改司
 群牧移之審官審是在服伐閱積遷給事于中告疾
 出許鼓歌從容方公少壯志立人上談辭慨然帝悅
 而嚮及後晚出皆為將相公則老矣將歸田里康定
 辛巳六月十日公七十八以其官卒公開南昌勳爵

第一夫人曰劉不及都封封君彭城其卒先公公卒
 明年季秋挾日于州山西卜祔而吉公有四子伯為
 進士丞于殿中與仲前死仲賜科名叔也皆丞將作
 殿中或廢或興有顯惟季時丞衛尉今為郎中論序
 初終實來求詩刻示無窮

此篇事在銘內別是一體

梅公神道碑八

三

大理丞楊君墓誌銘

宋 王安石

君諱忱字明叔華陰楊氏子少卓犖以文章稱天下
 治春秋不守先儒說每發一論一議暢達簡明超厲
 卓。世。儒。莫。能。難。也。及。為。吏。按。姦。發。伏。振。撻。利。害。夫
 人。之。以。聲。名。權。勢。驕。士。者。常。逆。為。君。自。紉。蓋。君。有。以
 過。人。如。此。然。時。其。能。奮。其。氣。不。治。防。吟。以。取。通。於。世
 故。終。於。無。所。就。以。窮。初。君。以。父。蔭。守。將。作。監。主。簿。數
 舉。進。士。不。中。數。上。書。言。事。其。言。有。衆。人。所。不。敢。言。者

楊君墓誌銘

丁文簡公且死為君求職君辭馬復用大臣薦召君
 試學士院又久之不就積官至朝奉郎行大理寺丞
 通判河中府事飛騎尉而坐小法紕監蘄州酒稅未
 赴而以嘉祐七年四月辛巳卒於河南享年三十九
 願言曰焚吾所為書無留也以柩從先人葬八年四
 月辛卯從其父葬河南府洛陽縣平樂鄉張封村君
 曾祖諱津祖諱守慶坊州司馬贈尚書左丞父語僧
 翰林侍讀學士以尚書工侍郎致仕特贈尚書兵部
 侍郎娶丁氏清河縣君尚書右丞度之女子男兩人

景畧守太常寺太祝好書學能自立景彥早卒君有
 文集十卷又別為春秋正論十卷微言十卷通例二

十卷銘曰

芒乎其孰始以有厥美味乎其孰止以終於此納銘

幽宮以慰其子

佳致蔚然

楊君墓誌銘

虞部郎中晁君墓誌銘

宋 王安石

尚書虞部郎中晁君諱仲參字孝先以治平四年五月九日卒於通判舒州事其子以熙寧二年正月二十九日卜濟州任城縣諫議鄉呂村之原以葬狀君之行來乞銘掇其語為銘曰

晁望穎川衛有卿丙錯以術用作漢家令魏晉南北史無傳人良正官庠仍不大振開封千家徙鉅野縣辟時薨屯出宋而顯迴奮布衣太子太師宗慤秉政

晁君墓誌銘

一

父子一時三朝四世錫榮丘墓佺令中書為君曾祖有子迪者刑部侍郎乃生宗簡世德孔揚使京東西郎于刑部君實其嗣少則多譽仲父保任主簿上虞宰暴擾政易君仕初從容調膺吏莫玩法墨以廉終弱伸強懾按察擾獄夙如我謀君不為奪械囚于州將范文正歎愛而謂畏宜繩私公勇勿畏君願持此畢身無尤薦監越酒旋宅父憂判官于滁擢丞大理汝州郟城來知縣事富姓賅吏寓田勢家役頰且窘中戶愁嗟君哀偽券應手即辯完蠹虛枯俗戒以勸

秦王諸孫上冢入鄂卒榜驛隸君擒而誅將刻中人

匿車夜遁移內侍省罪令即訊迄明年至徒御無譁能聲震越號稱其家易曹濟陰太子贊善督尉索盜里閭宴衍馬入罷牧地租于民厨傳費劇輸之殆貧君曰閔哉責豈無濼操書鑄守多紬其數遷官博士去領開州大築學校率衣冠游溫湯之鹽實不酬課歲蠲五萬奏自君可氓疾不治謁巫代醫教以餌藥盡投詭祠失怙恃者予其娶嫁坐堂朝脯飲酒閒暇英宗纂極員外于虞比駕二部閱最而除今天子恩

晁君墓誌銘

二

始正郎位攝舒暮年條教逾肆碎來鄰邦賑使僿扶攜飽去又遺之糧敦於除害未始愛力取縱陽河避羅剎石析池口征合于銅陵官不失筭舟無危行人幸是為曠數十載趨令驩呼無有稚艾孤山馬當歲漂百航鑿秋口浦直走雷江脫險風濤幾五百里革隨驛聞就付其事方冬告役君夏而殂壽五十五識者歎吁齊公孫氏作配甚似封永康君誕惟四子端仁端義端禮端智仁中進士常州司理義郊社郎餘則未仕五女四人歸為士妻石端俟彥俟歸而養

范胡二壻純粹備孺幼處于家君孫有五男節符鏡
其二則女惟君平生外晦內明忤出不意默無與爭
祿調族媼恩稱疏戚庖無朝炊笑語如昔晚尤靜曠
病不告遺極談性命方絕之時子丐埋辭衰羸走汴
掇其緒餘以質幽篋

事在銘內別是一體

晁公墓誌銘

三

屯田員外郎邵君墓誌銘

宋 王安石

邵公既國燕其子孫處者猶食其初邑至後世遂為
邵氏今有田里丹陽者獨為大家其所出往往稱天
下君丹陽人也諱某字某少敏夷皇考某欲大就之
為破費聚畱師實以發其材及壯行內修不標飾為
名而有譽於為士者年四十始以進士出佐鎮東軍
積功次入尚書為屯田員外郎通判亳州遭母夫人
某氏喪不行以卒君工為詩歌喜飲酒與人交恬如
邵君墓誌銘

一

也尤不好官爵至京師一不問權貴人所舍事有類
君者自言得遷或勸君自言終不許然起家十九年
更三縣以材奏君者甚衆卒之明年皇祐某年某月
弟某塋君某所以夫人某氏祔子男兩人曰某曰某
一女子尚幼銘曰

乘於朝塋於里厥殯祔之祭則子以完歸親維有社

簡勁

度支葛公墓誌銘

宋 王安石

葛公姓也源名也宗聖字也處州之麗水公所生也
 明州之鄞後所遷也貫魯大考也遇大考也旺累贈
 都官郎中考也進士公所起也洪州左司理參軍吉
 州太和縣主簿江州德化縣令監興國茶場威武軍
 節度推官知廣州四會縣著作佐郎知開封府雍丘
 縣祕書丞知泉州同安縣太常博士通判建州屯田
 員外郎知慶成軍都官員外郎知南劔州司封員外
 郎祠部郎中江浙荆湖福建廣南提點銀銅坑冶鑄
 錢度支郎中荆湖北提點刑獄此公之所閱官也州
 將之甥與異母兄毆人而甥殺之州將脅公曰兩人
 者皆吾甥而殺人者乃其兄也我知之彼大姓也無
 為有司所誤不然此獄也將必覆公劾不為變此公
 之為司理參軍也州符徙吉水行令事他日令始至
 大猾吏輒誘民數百訟庭下設變詐以動令如此數
 日令厭事則事常在吏矣公至立訟者兩廡下取其
 狀視有如吏所為者使自書所訴不能書者吏授之

往往不能如狀窮輒曰我不知為此乃某吏教我所

為也悉捕劾致之法訟以故少吏亦終不得其意毛

氏寡婦告其子以恩義說之不得即使人微捕得之

與問語者驗其對乃書寡婦告者也窮治具服為私

謀誣其子孫距州溪水惡而歲租幾千萬碩舟善敗

民以輸為愁公始議縣置倉以受輸則官漕之亦便

州不聽公論之不已倉成至今賴其利此公之為主

簿也中貴人擊驛吏取所給過家以言府府不敢劾

公曰中貴人何憚為吾民而有陵之者吾亦耻之上

葛公墓誌銘

書論其事中貴人坐絀此公之為縣於雍丘也屬吏

常有隙於公同進者因讒之公察其旨不聽以為舉

首此公之為州於南劔也鑄錢歲十六萬漢所施置

後以為法程此公之為銀銅坑冶鑄錢也

大姓與人妻謀而殺其夫州受賕之公使再劾

者又受賕獄如初而公終以為不直其弟訴之轉運

使雖他在事者亦莫不以為冤復置之獄卒得其姦

賂狀論如法此公之為提點刑獄也甲子四百三十

五公所享年也至和元年六月己未卒之年月日也

潤州之丹徒縣長樂鄉顯陽村公所葬也嘉祐元年十月壬申葬之年月日也鄉邑孫氏今祔以葬者公元配也萬年縣君范陽盧氏公繼配也良肱良佐良嗣公子也妻太常博士黃知良曰金華縣君公女也起進士為越州餘姚縣尉主公之喪而請銘以葬者良嗣也論次其所得於良嗣而為之銘者臨川王某也銘曰

士窾以養交兮弛官之不思維公之所至兮樂職嗜事彼能顯聞兮公則不斲不銘示後兮孰勸為瘁

葛公墓誌銘

此篇以也字為節段別是一體

節度推官陳君墓誌銘

宋 王安石

人之所難得乎天者聰明辨智敏給之材既得之矣能學問修為以自稱而不弊於無窮之欲此亦天之所難得乎人者也天能以人之所難得者與人人欲以天之所難得者徇天而天不少假以年則其得有暇乎修為其為有不至乎成就此孔子所以歎夫未見其止而惜之者也陳君諱之元字某年二十七為武昌軍節度推官以卒自其為兒童強記捷見能陳君墓誌銘

不勞而超其長者少長慨然慕古人所為而又能學其文章既以進士起家則喜曰無事於詩賦矣以吾目力盡之於所好其庶乎吾可以成材於是悉橐其家書之官而晝夜讀以思思而不得則又從其朋友講解至於達而後已其材與志如此使天少假以年則其成就當如何哉然無幾何得疾病遂至於不起嗟乎此亦所謂未見其止而可惜者也君某州之某縣人曾祖曰某祖曰某考曰某以嘉祐某年某月某甲子其兄之方為之卜某州某縣某所之原以葬而

臨川王某為銘曰

浮揚清明升氣之鄉沈翳濁壘降形之宅其升遠矣其孰能追其降在此有銘昭之

入宋調然亦有一段風致

陳君墓誌銘八

二

泰州海陵縣主簿許君墓誌銘

宋 王安石

君諱平字秉之姓許氏余嘗譜其世家所謂今泰州海陵縣主簿者也君既與兄元相友愛稱天下而自少卓犖不羈善辨說與其兄俱以智畧為當世大人所器寶元特朝廷開方畧之選以招天下異能之士而陝西大帥范文正公鄭文肅公爭以君所為書以薦於是得召試為太廟齋郎已而選泰州海陵縣主簿貴人多薦君有大才可試以事不宜棄之州縣君亦常慨然自許欲有所為然終不得一用其智能以卒噫其可哀也已士固有離世異俗獨行其意罵譏笑侮困辱而不悔彼皆無眾人之求而有所待於後世者也其齟齬固宜若夫智謀功名之士窺時俯仰以赴勢物之會而輒不遇者乃亦不可勝數辯足以移萬物而窮於用說之時謀足以奪三軍而辱於右武之國此又何說哉嗟乎彼有所待而不悔者其知之矣君年五十九以嘉祐某年某月某甲子葬真州之揚子縣甘露鄉某所之原夫人李氏子男瓌不仕

許君墓誌銘六

一